

TEZAU LITURGIC

19 NOIEMBRIE

SLUJBA SF. IERARH FILARET DROZDOV, MITROPOLITUL MOSCOVEI ȘI ÎNTREGII RUSII



MINEIUL PE NOIEMBRIE
MOSCOVA



Мѣсяца ноября в 19-й день Святителя Филарета, митрополита Московскаго и Коломенскаго, чудотворца

На малей вечерни

На Господи, возвах: стихиры на 4, глас 1.

Подобен: Небесных чинов:

От юности пристанища немятежнаго взыскал еси, / в многомятежном мире пребывая, святе Филарете, / и суеты земныя молитвою избега еси. / Во святителях монашески пожив, / в монасах архиерей изряден был еси, // моли о всех, любовью блажащих тя.

Тайну являшагося Бога проповедуя / и священныя книги изъясняя, / святе Филарете, / словом Божиим насыщал еси люди алчущия, / да познают Истину // и уразумеют, яко благ Господь.

Годину гнева будущаго о Отечестве нашем / дарова тебе Господь предзрети, святителю Филарете, / сего ради, скорбный плач подъем, / веру крепку в милосердие Господне о России хранил еси, / и ныне у Престола Божия // усердно молишися о спасении ея.

Духом провидел еси, святителю Филарете, / будущая земли Российския, / мраком объята и

бране́й испо́лненная, / и за преумно́жение
беззако́ния любве́ ума́ленная, / те́мже моли́лся
еси́ усер́дно // ве́ре Правосла́вней
непоколебиме́й пребыва́ти.

Сла́ва, глас 6:

Филаре́та Ми́лостиваго подража́теля, / всея́
Руси́ моли́твенника, / святы́х подви́жников
собесе́дника, / сирот се́рафимовых засту́пника, /
ста́рцев о́птинских покрови́теля, / скито́в и
оби́телей устрои́теля, / учи́телей учи́теля, царей
наста́вника, / А́нгелов слико́вника во Ца́рствии
Небе́сном, / архиере́я Бо́жия, Филаре́та
досточу́днаго // прииди́те, бра́тие, восхва́лим
священноле́пно.

И ны́не, Богоро́дичен, глас то́йже:

Богоро́дице, Ты еси́ лоза́ и́стинная, /
возрасти́вшая нам пло́д живота́, / Тебе́
мо́лимся, / моли́ся, Влады́чице, со святы́ми
апосто́лы // поми́ловати ду́ши на́ша.

На стихо́вне стихи́ры, глас 7:

Преподо́бным по́двиги твои́ми уподо́бился
еси́, / чудотво́рцем дре́вним благода́тию, /
учите́лем вселе́нским богому́дрием, /
первосвя́тителем Моско́вским правле́нием
пра́вым, // Филаре́те присносла́вный.

Стих: Свяще́нницы Твои́ облеку́тся в пра́вду //
и преподо́бнии Твои́ возра́дуются.

Простецём отец милосёрдный был еси,/ па́стырем архипа́стырь и́стинный,/ ино́ком авва богомудрый,/ святи́телем образ ве́ры и благоче́стия,// Филаре́те благоиску́сный.

Стих: Блаже́н муж, боя́йся Го́спода,// в за́поведех Его́ восхо́щет зело́.

При три́ех земных ца́рех святи́тельствуюя,/ еди́ному Царю́ Небе́сному служи́л еси,/ сла́ву челове́ческую ни во что же вменяя,/ и́го Христо́во пресла́вно понёс еси,// Филаре́те небо́тёчный.

Сла́ва, глас 8:

Украше́ние Це́ркве Христо́вы/ и Росси́йских святи́х похвалу́,/ прославля́ем тя днесь, святи́телю Филаре́те,/ и мо́лим усер́дно:/ я́ко предсто́иши у Престо́ла Небе́снаго Царя́/ и дерзнове́нное ходата́йство има́ши,// моли́ спасти́ся душа́м на́шим.

И ны́не, Богоро́дичен, глас то́йже.

Подобен: О, пресла́внаго чудесе́:

О, пресла́внаго чудесе́!/ Небесе́ и земли́ Цари́ца,/ от святи́х сро́дников на́ших умоля́емая,/ до ны́не зе́млю Ру́сскую покрыва́ет/ и ли́ка Своего́ изображе́нии ми́лостивно обогаща́ет./ О Влады́чице Держа́вная!/ Не преста́ни и на бу́дущее вре́мя/ во утвержде́ние на Руси́ Правосла́вия// ми́лости и чудеса́ излива́ти до ве́ка. Ами́нь.

Тропа́рь, глас 4: Ду́ха Свята́го благода́ть
стяжа́в: зри на вели́цей вече́рни.

На вели́цей вече́рни

На Го́споди, воззва́х: стихи́ры, глас 6:

Днесь благода́ть Свята́го Ду́ха нас собра́,/ с
ли́ком а́нгельским и собо́ром Моско́вских
святите́лей/ пра́здновати па́мять Филаре́та
достохва́льнаго,/ той бо мо́лит дерзнове́нно о
Це́ркви Росси́стей,/ во е́же в ми́ре и
благостоя́нии ей бы́ти// и спасти́ся душа́м
на́шим.

И́ны стихи́ры, глас 2:

Архиере́ю блаже́нне Пе́тре,/ по́двиги и мощи́
твои́ми первопресто́льный град Москву́
освятивый,/ прииди́ с на́ми ны́не,/ да воспои́м
Филаре́та святите́ля,/ и́же насле́дова ти
пресла́вно// и яви́ся Це́ркве на́шея похва́ла и
утвержде́ние.

Ли́ки пра́зднующих возгла́ви ны́не, святите́лю
Алекси́е,/ да воспои́м Филаре́та достосла́внаго,/
и́же от гроба́ твоего́ клобу́к прие́мый,/ труды́
мно́гими тебе́ уподо́бися// и яви́ся Це́ркве
на́шея похва́ла и утвержде́ние.

От Го́спода избра́нный/ и собо́ром
утвержде́нный/ пасти́ наро́д Моско́вский,/ Ио́на
благосла́вный/ днесь славосло́вит с на́ми/

премудра Филарета, / упасша Церковь Русскую /
и ей во всем славна явльшася, // яко похвала и
утверждение.

Премудрость книжную возлюбивый / и собор
святых русских прославивый, / святителю
чудный Макарие, / восхвали ныне труды и
подвиги Филарета богомудраго, // яко Церкви
нашея похвалу и утверждение.

Пастырю добрый Филиппе, / со дерзновением
пред царем правду глаголавый, / возрадуйся
днесь с нами / торжеству Филарета
богоревниваго, / егоже укреплял еси молитвами
твоими, // да явится Церкви нашей похвала и
утверждение.

Первый от Патриархов Российских, / Иове
многомолитвенный, / призи днесь на
празднество наше, / еже творим в память
Филарета, / яко иерарха пречуднаго // и Церкви
нашея похвалы и утверждения.

Патриарший подвиг страданиями увенчавша, /
Ермогена славнаго призовем молитвенно, / да
купно с ним инаго печальника земли нашея, /
Филарета любосмиренна достойно почтим, // яко
Церкви Российския похвалу и утверждение.

Слава, глас 8:

О пречудный святителю Филарете, / аввы
Сергия учениче верный, / Лавры Троицкия
усердный попечителю, / святителя Иннокентия,

апосто́лом равночестна, / покрови́телю, / преподо́бнаго Анто́ния сота́инниче, / Серафима́ досточудна́го почита́телю / и всех прибега́ющих к тебе́ крѣпкий заступни́че, // моли́ спасти́ся душа́м нашим.

И ны́не, Богороди́чен, глас тойже: Царь Небесный:

Та́же вход. Прокі́мен дне. И чтѣ́ния.

К Тимофе́ю послáния свята́го апосто́ла Па́вла
чтѣ́ние (главы́ 3 и 4):

Ча́до Тимофе́е! / Вся́ко писа́ние богодухнове́нно и полѣ́зно есть ко уче́нию, / ко обличѣ́нию, ко исправле́нию, к наказáнию е́же в правде, / да соверше́н бу́дет Бо́жий челове́к, / на вся́кое де́ло благо́е угото́ван. / Засвидѣ́тельствую́бо аз пред Бо́гом и Го́сподем нашим Иисус Хри́стом, / хотя́щим суди́ти живы́м и ме́ртвым в явле́нии Его́ и Ца́рствии Его́. / Пропове́дуй сло́во, / насто́й благовре́менно и безвре́менно, / обличи́, запрети́, умоли́ со вся́ким долготерпе́нием и уче́нием. / Бу́дет бо вре́мя, / егда́ здрава́го уче́ния не послу́шают, / но по своих похотех избра́т себе́ учи́тели, чѣ́шеми слухом. / И от истины слух отвратя́т и к ба́снем уклоня́тся. / Ты же трезви́ся о всем, / злопостражди́, де́ло сотвори́ благове́стника, /

служѣніе твоѣ извѣстно сотвори./ Аз бо уже жрен бываю,/ и время моего отшества наста./ Подвигом добрым подвизахся,/ течение скончах, веру соблюдох./ Прочее убо соблюдается ми венец правды,/ егоже воздаст ми Господь в день он, Праведный Судия./ Не токмо же мне,/ но и всем возлюбльшим явлѣние Его.

Ко Ефесеем послания святаго апостола Павла
чтѣніе (глава б):

Братіе!/ Возмогайте во Господе и в державе крепости Его./ Облецытеся во вся оружія Божія,/ яко возможи вам стати противу кознем диавольским./ Яко несть наша брань к крови и плоти,/ но к началом и ко властем, и к миродержителем тьмы века сего,/ к духовом злобы поднебесным./ Сего ради примите вся оружія Божія,/ да возможете противитися в день лют и вся содеявше стати./ Станите убо препоясани чресла ваша истиною,/ и обокшеся в броня правды,/ и обувше нозе во уготование благовествования мира,/ над всеми же восприимше щит веры,/ в немже возможете вся стрелы лукаваго разжженныя угасити./ И шлем спасения восприимите,/ и меч духовный, иже есть глагол Божий.

Ко Ефесеем послания святаго апостола Павла
чтение (глава 6):

Чада! / Послушайте своих родителей о
Господе, / сие бо есть праведно. / Чти отца
твоего и мать, / яже есть заповедь первая во
обетовании, / да благо ти будет и будешь
долголетен на земли. / И отцы, не раздражайте
чад своих, / но воспитывайте их в наказании и
учении Господни. / Рабы, послушайте господий
своих по плоти, со страхом и трепетом, / в
простоте сердца вашего, якоже и Христа, / не
пред очима точно работающе, яко
человекоугодницы, / но якоже рабы Христовы, /
творяще волю Божию от души, / со
благоразумием служаще, якоже Господу, а не
яко человеком, / ведяще, яко кождо, еже аще
сотворит благое, / сие примет от Господа, аще
раб, аще свободь. / И господие, таяжде творите к
ним, / послабляюще им прещения, / ведуще, яко
и вам самем и тем Господь есть на Небесех, / и
обиновения лица несть у Него.

На литии стихирь, глас 8:

О, благоутробия Божия неизреченнаго, / о,
человеколюбия неизглаголаннаго: / яви бо нам
Господь святителя чудна, Филарета
велемудреннаго, / молитвенника и печальника, /
судию и провидца, / книжника и ветию, /

чудотворца и праведника, / да спасутся вси, // иже спасения чают.

Якоже патриархом древним иногда, / век долгий дарова ти Господь, святителю Филарете, / еже о гресех народа плакати, / о царех молитися, / о славе Отечества Бога хвалити, / кормилом церковным мудро правити, / падших воздвизати к покаянию, / суд праведный творити, / да спасутся вси, // иже спасения чают.

Иже платоновым многомудрием не прельстивыйся, / инаго Платона, архиерея славна, / ученик явился еси, богомудре Филарете, / не суемудрием мирским прославився, / но смиренномудренно Христу и людем послужил еси, / да спасутся вси, // иже спасения чают.

Слава, глас тойже:

Яко преёмник апостольский, / во благовестии Христове добре потрудился еси, святителю, / еже изложити слово Божие / и писания святых отец российской речию, / удобь разумеваемою людьми земли нашея, / и правила веры и благочестия начертал еси, / верным утверждение подаваяй / и заблудшим путь к покаянию указуяй, / да спасутся вси, // иже спасения чают.

И ны́не, Богоро́дичен, глас то́йже: Влады́чице, прими́ моли́твы раб Твои́х/ и изба́ви нас// от вся́кия ну́жды и печа́ли.

На стихо́вне стихи́ры, глас 2.

Подобен: До́ме Евфра́фов:

Сосу́де избра́нный,/ слеза́ми омы́тый,/ благода́ти и ми́лости,/ я́ко ми́ра, испо́лненный,// Филаре́те, святи́телю премудры́й.

Стих: Восхва́лятся преподо́бнии во сла́ве// и возра́дуются на ло́жах свои́х.

О́ко у́мное Це́ркве,/ све́том и́стины/ пресла́вно возсия́вшее,/ сто́лпе богомы́слия,// Филаре́те, избра́нниче Христов.

Стих: Священни́цы Твои́ облеку́тся в пра́вду,// и преподо́бнии Твои́ возра́дуются.

Царя́ Небе́снаго архитекто́н изрядны́й,/ царей́ земны́х поборо́ниче,/ труба́ злата́я богосло́вия,/ уста́ благоче́стия,// Филаре́те, святи́телю прехва́льный.

Сла́ва, глас 8:

Днесь́ Коло́мна имени́тая,/ пресла́вно возра́стившая́ тя,/ благоче́стием твои́м хва́лится,/ днесь́ оби́тель Тро́ицы Живонача́льная,/ обрети́ши мо́щи твоя́, я́ко сокрови́ще пребога́тое, лику́ет,/ днесь́ Москва́ первопресто́льная святи́тельство твоё велича́ет,/

днесь Русь святая прázднует свѣтло// честную
память твою, Филарете, святителю
достохвальный.

И ныне, Богородичен, глас тойже:
Безневѣстная Дѣво:

Тропарь, глас 4:

Духа Святаго благодать стяжав,/ богомудре
святителю Филарете,/ истину и правду разумом
просвещенным/ людем проповедал еси,/ мир и
милость сердцем умиленным/ страждущим явил
еси,/ яко учитель веры и страж неусыпный/
паству российскую жезлом правости сохранил
еси./ Сего ради дерзновение ко Христу Богу
имея,/ моли даровати Церкви утверждение// и
душам нашим спасение.

На утрени

На Бог Господь: тропарь святителя дважды.
Слава, и ныне, Богородичен.

По 1-м стихословии седален, глас 8:

Ныне радуется душа твоя, святителю
Филарете,/ Господу предстоящи,/ облече бо ты в
ризу спасения,/ и, яко жениху, возложи ти
венец,/ и, яко невесту, украси ты добродетелей
красотою,/ темже моли спастися всем нам.

Сла́ва, и ны́не, Богоро́дичен:

О Тебе́ ра́дуется, Благода́тная, вся́кая тварь,/
А́нгельский собо́р и челове́ческий род,/
освяще́нный храме́ и раю́ словесный,/
де́вственная похва́ло,/
из Нея́же Бог воплоти́ся
и Младене́ц бысть пре́жде век сый Бог наш:/
ложесна́ бо Твоя́ Престо́л сотвори́ и чре́во Твое́
простра́ннее Небе́с соде́ла./ О Тебе́ ра́дуется,
Благода́тная, вся́кая тварь, сла́ва Тебе́.

По 2-м стихосло́вии седа́лен, глас 3:

Измла́да ве́лию лю́бовь стяжа́л еси́ к Бо́гу,/
и си́ла Бо́жия в немо́щи плоти́ твоея́ соверши́ся,
святите́лю Филаре́те,/
егда́ ниву́ земли́ Ру́ския
ра́лом Боже́ственных словес возде́лал еси́./
Ны́не же, я́ко вре́мя жа́твы прииде́,/
испроси́ нам у
Бо́га ве́лию ми́лость.

Сла́ва, и ны́не, Богоро́дичен:

Боже́ственная ски́ния была́ еси́ Сло́ва,/
еди́на Пречи́стая Ма́ти Де́во,/
чистото́ю А́нгелы
превозше́дшая,/
мене́, па́че всех персть бы́вша
и оскверне́нна плотски́ми прегреше́ньми,/
очи́сти моли́тв Твои́х вода́ми,/
подаю́щи,
Чи́стая, ве́лию ми́лость.

По полиеле́и седа́лен, глас 4:

От ю́ности ру́ку возло́жь на ра́ло Христо́во,/
по́ты и слеза́ми мно́гими се́рдце до́бре угобзи́л

еси,/ клас духовный серпом смирения пожал
еси/ и, плод сторичный собрав,/ пищею
духовною тысящи насытил еси./ Сподоби и нас
ея причастниками быти, празднующих любовью
святую память твою.

Слава, и ныне, Богородичен:

О всепетая Мати! Усты святых
прославленная,/ псалмы духовными воспетая,/
имены таинственными нареченная,/ прими от
нас, грешных, архангелов глас,/ вопиющих Ти:/
радуйся, Благодатная, Господь с Тобою.

Степенна, 1-й антифон 4-го гласа. Прокимен,
глас 4: Благовестих правду// в Церкви
велицей. Стих: Уста праведнаго каплот
премудрость, и язык его возглаголет
суд. Евангелие от Иоанна, зачало 35 от полу.

По 50-м псалме стихира, глас 6:

Пастырю мудрый Филарете,/ звездо
светозарная,/ в Церкви Российстей
возсиявшая,/ якоже иная волхвом иногда,/
приведи и нас поклонитися рождшемуся Христу
Спасу/ и миро покаяния,/ ливан милосердия//
и смирну дел благих принести Ему.

Канон Богородицы на 6 и святого на 8.
Канон святого, глас 6.

Песнь 1

Ирмос: Помощник и Покровитель / бысть мне
во спасение, / Сей мой Бог, / и прославлю Его, /
Бог отца моего / и вознесу Его, // славно бо
прославися.

Всемилолюбиве Господи, / даждь ми мысль благу
и настави сердце мое / во еже прославити
дивнаго во святителех Филарета прехвальнаго.

Яко плодоносная ветвь, от благочестиваго
корене и священническаго древа произшед,
святи Филарете, / благодать архиерейства
достойно восприял еси. / Сего ради благодарне
псаломски вопием: / род правых благословится.

Юн разум к Божественным учением направив,
премудре Филарете, / даже до честных седин в
законе Господни поучался еси день и ночь, /
сего ради плод сториичный Богу принеся еси.

Богородичен: Богородице Дево, / якоже во
успении Твоем мира не оставила еси, / буди и
нам Путеводительница во Царствие Сына Твоего
и Бога нашего.

Песнь 3

Ирмос: Утверди, Господи, / на камени заповедей Твоих / подвигшееся сердце мое, // яко един свят еси и Господь.

Филарета Милостиваго имя прием, святителю Филарете, / сосуд добродетелей твоих милостию украсил еси, / сего ради яко отец чадолюбивый людем российским явился еси.

Во всем последуй Божественным отцем, / премудрость Божию яко наставницу избрал еси, святителю, / и, Церкви Российской добрый пастырь быв, / благочестию паству научил еси.

Златоусту славному силою слова подобяся, / Бога Слова воистину возславил еси, святителю Филарете, / темже словесными венцы ты величаем.

Богородичен: Несть пречиста, яко Ты, Дево, / и несть грешен, яко аз, окаянный, / темже, безнадежен сый, на Тя упование мое возлагаю.

Седален, глас 8:

Ты еси пастырь добрый и учитель богомудрый, / святителю отче Филарете, / тобою Бог украси Церковь Свою / и тело твоё, многолетно покровенное в земли, нетленно яви людем Своим. / Темже не престай молиться о хвалящих тя и чтущих память твою, / прося оставления грехов и спасения душам нашим.

Сла́ва, и ны́не, Богоро́дичен:

Я́ко Всенепоро́чная Неве́ста Творца́, / я́ко
Неискусобра́чная Ма́ти Изба́вителя, /
прия́телище я́ко су́щи Уте́шителя, Препе́тая, /
све́тлое жили́ще добродете́лей соверши́ мя, /
отжени́ о́блак страстей и Вы́шняго прича́стия
сподо́би / и све́та невече́рняго моли́твами
Твои́ми.

Песнь 4

Ирмо́с: Услы́ша проро́к / прише́ствие Твое́,
Го́споди, и убо́яся, / я́ко хо́щещи от Де́вы
роди́тися / и челове́ком яви́тися, и глаго́лаше: /
услы́шах слух Твой и убо́яхся, // сла́ва си́ле
Твое́й, Го́споди.

Хри́ста Бо́га Помо́щника и Засту́пника при́сно
име́я в се́рдце твоём, святите́лю Филаре́те, / я́ко
дре́вле Моисе́й началово́ждь, в бедах и
искуше́ниях лю́ди укрепля́л еси́ / и науча́л еси́
взыва́ти к Нему́ я́ко Помо́щнику и Засту́пнику.

Сугу́бое попече́ние о ю́ных лю́дех имёл еси́,
святите́лю Филаре́те, / е́же бы́ти им
благочестивым, трудолю́бивым и рачи́тельно
уча́щимся зако́ну Госпо́дню / и служи́ти Це́ркви
на похва́лу и Оте́честву на по́льзу.

Любо́вь Небе́сную на землі ева́нгельски
стяжа́вый, / горе́ упра́вил еси́ ду́шу твою́,

пресла́вне Филаре́те, / наста́вляя ве́рныя лю́ди
горня́я помышля́ти, а не себѣ угожда́ти.

Богоро́дичен: Совета́ превѣчнаго смотре́ние
разуме́в проро́к, / та́йну рождества́ Де́вы
преднапису́й, взыва́ше: / возвеселю́ся о Бо́зе,
Спасе́ Моём.

Песнь 5

Ирмо́с: Сою́зом любве́ связу́еми апо́столи, /
влады́чествующе́му все́ми себѣ Христу́
возло́жше, / кра́сны но́ги очища́ху, //
благовеству́юще всем мир.

Апо́стольское рече́ние, я́ко си́ла Бо́жия в
не́мощи соверша́ется, / на тебе́ испо́лнися,
святите́лю. / Ты бо, не́мощен плоти́ю, па́жить
земли́ Ру́сския Боже́ственными́ словесы́ возде́лал
еси́ / и мно́гия лю́ди ко Христу́ привёл еси́.

Благода́ти Свята́го Ду́ха испо́лнься, / сло́во
Бо́жие ре́вностно пропове́дал еси́ / и та́йну
Пресвяты́я Тро́ицы и воплоще́ния Бо́га Сло́ва
преизя́щно изъясни́л еси́. / Ны́не же Бо́гу
предсто́я, / моли́ся о почита́ющих тя, Филаре́те
достопа́мятне.

Я́ко зе́ницу о́ка и сокро́вище многоце́нное, /
хранити́ ве́ру Правосла́вную запове́дал еси́ нам,
святите́лю Филаре́те, / в ней бо е́сть утвержде́ние
Цѣркви́ и Оте́чества благоде́нствие.

Богорóдичен: Óтчю Премúдрость во утрóбе
Своёй носívшая, Влады́чице,/ в но́щи ми́ра
блужда́ющих к свéту Христо́ву наста́ви и сою́зом
любве́ соедини́,/ я́ко Богорóдица еси́ и Ма́ти
Свёта.

Песнь 6

Ирмо́с: Возопи́х всем се́рдцем моим к
Щёдрому Бо́гу,/ и услы́ша мя от а́да
преиспо́дняго,/ и возведе́// от тли живóт мой.

Премúдростию Бо́жиею вразумляе́мь,/ я́ко
Соломо́н му́дрый, суд пра́вый и ми́лостивый
потща́лся еси́ творити́,/ да ве́дают лю́дие, я́ко
пра́ви суть пу́ти Госпо́дни.

Ве́дая го́рькия рабо́ты и тяготы́ жити́я
земледе́лателей, святи́телю Филаре́те,/ потща́лся
еси́ помо́щи росси́йскому госуда́рю/
провозгласи́ти лю́дем чае́мое свобо́ждение.

О, любы́ Бо́га Отца́, распина́ющая,/ любы́
Сы́на, распина́емая,/ и любы́ Ду́ха Свята́го,
торжествую́щая си́лою крёстною, / благоговейне
взыва́л еси́, святи́телю Филаре́те.

Богорóдичен: О Де́во Пречи́стая,/ Сло́вом
Бо́жиим, да бу́дет, отрази́ла еси́ от Себе́
законное по естеству́ недоуме́ние,/ егда́ Гавриил
Арха́нгел Ти предста́, благовеству́я рождество́
Емману́ила,/ благоговейне взыва́л еси́,
святи́телю Филаре́те.

Кондак, глас 2:

Яко истинный подражатель преподобнаго Сѣргия,/ добродѣтель измлада возлюбил еси, богоблаженне Филарете,/ яко пастырь праведный и исповѣдник непорочный,/ по святем преставленіи от безбожных поруганіе и поношенія приял еси,/ Бог же знаменьями и чудесы тѣ прослави// и заступника Церкви нашея яви.

Песнь 7

Ирмос: Отроцы в Вавилоне пѣщнаго пламене не убояшася,/ но, посреде пламене ввержени,/ орошаеми пояху:// благословен еси, Господи Боже отец наших.

Якоже Елисей иногда милоть Илиину,/ клубук от гроба святителя Алексія приял еси, святителю Филарете,/ да благодать сугубую получиши, воспевая:/ благословен еси, Боже отец наших.

Аще и чтил еси царя земнаго,/ но раболепствовати пред ним не восхотел еси, святителю,/ Царю же Небесному боголепную честь воздавал еси, взывая:/ благословен еси, Боже отец наших.

Работая Господеви со страхом,/ не взирал еси на похваления и поношенія, святителю Филарете,/ токмо в сердце с трепетом взывал

еси́ к Судии́ Пра́веднейшему:/ благословен еси́,
Бо́же отец наших.

Ум чист, чу́вства добра́я и волю́ благу́ю,/ я́ко
еди́но во о́браз Трои́цы Святы́я име́я, святителю́
Филаре́те,/ Трои́цы еди́носущие просла́вил еси́,
взыва́я:/ благословен еси́, Бо́же отец наших.

Богоро́дичен: Отрокови́це Пречи́стая,/ чудеси́
рождества́ Твоего́ дивя́щися,/ Избра́вшему Тя
зове́м:/ благословен еси́, Бо́же отец наших.

Песнь 8

Ирмо́с: За зако́ны оте́ческие/ блаже́ннии в
Вавило́не ю́ноши, предбе́дствующе,/
царю́ющаго оплева́ша повеле́ние безу́мное/ и,
совокупле́ни, имже не свари́шася огне́м,/
Державству́ющему досто́йную воспева́ху песнь:/
Го́спода пойте, дела́, // и превозносите во вся
ве́ки.

Егда́ благи́й Го́сподь попусти́ пове́трие
губительное во гра́де Москве́,/ тогда́ ты,
святителю́ Филаре́те, к пока́янию и моле́бствию
наро́д призыва́л еси́ взыва́ти:/ Го́спода пойте,
дела́, и превозносите во вся ве́ки.

И́же моли́твами твои́ми исцеле́ние обрети́ши/
и спасе́ние от сме́рти улу́чившии,/
благодаре́ственное пе́ние принесо́ша,
глаго́люще:/ Го́спода пойте, дела́, и
превозносите во вся ве́ки.

Отце́м святы́м подража́я, / уста́вы ино́честву
препо́дал еси́, свя́те, / да А́нгелом сослужа́т
ино́ков собо́ри и с ни́ми ли́ки невест Христо́вых,
взыва́юще: / Го́спода по́йте, дела́, и
превозно́сите во вся ве́ки.

Богоро́дичен: Цари́цу Небесе́ и земли́, А́нгелов
со́нми и челове́ков собо́ри, / по́йте и
превозно́сите во вся ве́ки.

Песнь 9

Ирмо́с: Странств́ия Влады́чня / и Безсме́ртныя
Трапе́зы / на го́рнем ме́сте / вы́сокими умы́,
ве́рнии, приидите, наслади́мся, / возше́дша
Сло́ва, от Сло́ва научи́вшеся, // Его́же велича́ем.

Ре́вностию по Бо́зе на вы́соту́ добродете́лей
возше́д, / сла́вы ми́ра сего́ удаля́лся еси́, свя́те, /
взыску́яй сла́вы то́кмо от Христа́, / Той бо е́сть
еди́ный Царь ми́ра и Спас душ на́ших.

Егда́ сверши́ся кончи́на свята́я твоя́, /
возскорбе́ша лю́дие росси́йстии, достохва́льне
святите́лю, / ты же не оста́вил еси́ их си́ры, /
дерзнове́нно моля́ся еди́ному Царю́ ми́ра и
Спасу́ душ на́ших.

Торжествуй́те, лю́дие, / святите́ля Филаре́та
па́мь чту́ще, / иже служи́тель до́ма Богоро́дицы
быв, / просла́ви Ту, я́ко в моли́твах
неусыпа́ющую Засту́пницу.

Богорóдичен: Русь Свята́я, лику́й ны́не, / за тя
бо мо́лит Сы́на Своего́ / Пречи́стая Богорóдица
Де́ва с Филаре́том приснохва́льным / и все́ми
святы́ми твоими.

Свети́лен:

Я́ко благоче́стия лампа́ду светолу́чну, / ри́тора
преизя́щна, па́стыря ми́лосе́рдна, суди́ю
прему́дра, / прииди́те, ве́рнии, Филаре́та
благопода́теля лю́бовию убла́жим.

Сла́ва, и ны́не, Богорóдичен:

Что Ти принесём, Благодáтная, ру́ки иму́ще
оскверне́ны? / Ка́ко воспое́м Тя, уста́ иму́ще
нечи́ста? / Ка́ко восхва́лим Тя, се́рдце иму́ще
лука́во? / Оба́че моли́твами святи́теля Филаре́та
взыва́ем Ти: / ра́дуйся, Невéсто Неневéстная.

На хвалитех стихиры на 4, глас 5.

Подóбен: Ра́дуйся, живоно́сный Кресте:

Ра́дуйся, святи́телю о́тче Филаре́те! / Та́инство
Креста́ позна́вый / и стезе́ю небо́течно́ю / чрез
ско́рби и сла́ву ми́ра ше́ствова́вый, / пред ца́ри и
ни́щими / сло́во крестное глаго́ла еси́ / и си́е
неложно́ жити́ем запечатле́л еси́, // прие́м от
Го́спода вене́ц и ве́лию ми́лость.

Ра́дуйся, святи́телю о́тче Филаре́те! / Ты Христу́
во́лею после́довал еси́, / не то́кмо на Фа́воре во
сла́ве с Ним бы́ти жела́вый, / но и на Голго́фу

вѣрно возше́дый,/ по сме́рти же поруга́нию
тесе́ предан был еси́/ и, яко́ зеркало́ свѣтлое
Солнца́ истины,/ стране́ Росси́стей явился
еси́.// Сего́ ради́ обрѣл еси́ у Го́спода вене́ц и
вѣлию́ ми́лость.

Ра́дуйся, святи́телю о́тче Филаре́те!/ Ты и́го
Христо́во благо́е до́бре понѣсл еси́,/ ри́зу души́
своея́ истка́в,/ свѣтле́йшу па́че риз земных./
Благода́ть же Бо́жия,/ ю́же по́двигом та́йным
стяжа́в,/ яви́ ты те́пла моли́твенника/ и да́ром
проро́чества, зна́меньми и чуде́сы просла́ви
тя.// Сего́ ради́ тя ублажа́ем.

Сла́ва, глас 2:

О Филаре́те сла́вный,/ сло́ву истины́ де́лом
после́дуя,/ по́двигом сокрове́нным подвиза́лся
еси́,/ те́мже, яко́ и апо́столом ино́гда,/ даде́ся ти
власть от Христа́ Бо́га/ бе́сы изгоня́ти и
немо́щныя целити,/ грядуща́я прорица́ти и от
бед избавля́ти./ Сего́ ради́ убо́ просла́вльшаго́ ты
Го́спода сла́вы/ умиле́нною душе́ю//
право́славно велича́ем.

И ны́не, Богоро́дичен:

Все упова́ние моё́ на Тя возлага́ю,/ Ма́ти
Бо́жия,// сохрани́ мя под кро́вом Твои́м.

На Литургии

Блаженны от канона, песни 3-я и 6-я.

Прокимен, глас 1: Уста моя возглаголют премудрость, и поучение сердца моего разум.

Стих: Услышите сия, вси языцы, внушите, вси живущии по вселенней.

Апостол ко Ефесеем, зачало 233.

Аллилуия, глас 4: Уста праведнаго поучатся премудрости.

Стих: Язык его возглаголет суд.

Евангелие от Матфея, зачало 11.

Причастен: В память вечную будет праведник:

**[Текст утвержден Священным Синодом
Русской Православной Церкви
26 января 2003 года
(журнал № 88)]**

